

ascendisset Moyses, operuit nubes montem, & habitavit gloria Domini super Sinai, tegens illum nube sex diebus: septimo autem die vocavit eum de medio caliginis. Erat autem species gloriae Domini, quasi ignis ardens super verticem montis, in conspectu filiorum Israel. Ingressusque Moyses medium nebulæ, ascendit in montem: & fuit ibi quadraginta diebus, & quadraginta noctibus.

EPÍSTOLA

Lectio libri Regum.

3.
Reg.
19.

IN diebus illis: Venit Elias in Bersabée Juda, & dimisit ibi puerum suum, & perrexit in desertum, viam unius diei. Cumque venisset, & sederet subter unam juniperum, peti-

vit animæ suæ ut moreretur, & ait: Sufficit mihi Domine, tolle animam meam: neque enim melior sum, quam patres mei. Projecitque se, & obdormivit in umbra juniperi: & ecce Angelus Domini tetigit eum, & dixit illi: Surge, & comede. Respexit, & ecce ad caput suum subcinericius panis, & vas aquæ, comedit ergo & bibit, & rursus obdormivit. Reversusque est Angelus Domini secundo, & tetigit eum, dixitque illi: Surge, comede: grandis enim tibi restat via. Qui cum surrexisset, comedit, & bibit, & ambulavit in fortitudine cibi illius quadraginta diebus, & quadraginta noctibus, usque ad montem Dei Horeb.

FE-

FERIA QUINTA.

Lectio Ezechiélis Prophætæ.

Eze-
chiel.
18.

IN diebus illis: Factus est sermo Domini ad me, dicens: Quid est quod inter vos parabolas vertitis in proverbium istud in terra Israel, dicentes: Patres comederunt uvam acerbam, & dentes filiorum obstupescunt? Vivo ego, dicit Dominus Deus, si erit ultra vobis parabola hæc in proverbium in Israel. Ecce omnes animæ, meæ sunt: ut anima patris, ita & anima filii mea est: anima, quæ peccaverit, ipsa morietur. Et vir si fuerit justus, & fecerit iudicium & justitiam, in montibus non comederit, & oculos suos non levaverit ad idola domus Israel, & uxorem proximi sui non violaverit, & ad

mulierem menstruâtam non accesserit: & hominem non contristaverit: pignus debitori reddiderit: per vim nihil rapuerit: panem suum esurienti dederit, & nudum operuerit vestimento: ad usuram non commodaverit, & amplius non acceperit: ab iniquitate averterit manum suam, & iudicium verum fecerit inter virum & virum: in præceptis meis ambulaverit, & iudicia mea custodierit, ut faciat veritatem: hic justus est, vita vivet, ait Dominus omnipotens.

FERIA SEXTA

Quatuor Temporum

Quadragesimæ.

Lectio Ezechiélis Prophætæ.

HÆc dicit Dominus Deus: Anima, quæ peccaverit, ipsa morietur: si

Eze-
chiel.
18. c.

E 2

lius

lius non portabit iniquitatem patris, & pater non portabit iniquitatem filii: justitia justi super eum erit, & impietas impii erit super eum. Si autem impius egerit poenitentiam ab omnibus peccatis suis, quæ operatus est, & custodierit omnia præcepta mea, & fecerit iudicium & justitiam: vita vivet, & non morietur. Omnium iniquitatum ejus, quas operatus est, non recordabor: in justitia sua, quam operatus est, vivet. Numquid voluntatis meæ est mors impii, dicit Dominus Deus, & non ut convertatur à viis suis, & vivat? Si autem averterit se justus à justitia sua, & fecerit iniquitatem secundum omnes abominaciones, quas operari solet impius, numquid vivet? Omnes justitiæ ejus, quas fecerat, non recordabun-

tur: in prævaricatione, qua prævaricatus est, & in peccato suo, quod peccavit, in ipsis morietur. Et dixistis: Non est æqua via Domini. Audite ergo domus Israël: Numquid via mea non est æqua, & non magis viæ vestræ pravæ sunt? Cum enim averterit se justus à justitia sua, & fecerit iniquitatem, morietur in eis: in injustitia, quam operatus est, morietur. Et cum averterit se impius ab impietate sua, quam operatus est, & fecerit iudicium & justitiam: ipse animam suam vivificabit. Considerans enim, & avertens se ab omnibus iniquitatibus suis, quas operatus est, vita vivet, & non morietur, ait Dominus omnipotens.

S A B B A T O
Quatuor Temporum
Quadragesimæ.

PROPHETIA PRIMA.

Lectio libri Deuteronomii.

Deut.
26. c.

IN dièbus illis: Locutus est Moyses ad populum, dicens: Quando complèveris decimam cunctarum frugum tuarum, loqueris in conspectu Domini Dei tui: Abstuli quod sanctificatum est de domo mea, & dedi illud Levitæ & advenæ, & pupillo ac viduæ, sicut jussisti mihi: non præterivi mandata tua, nec sum oblitus imperii tui. Obedivi voci Domini Dei mei, & feci omnia sicut præcepisti mihi. Respice de sanctuario tuo, & de excelso celorum habitaculo, & benedic populo tuo

Israël, & terræ, quam dedisti nobis, sicut jurasti patribus nostris, terræ lacte & melle mananti. Hodiè Dominus Deus tuus præcepit tibi ut facias mandata hæc atque judicia: & custodias & impleas ex toto corde tuo, & ex tota anima tua. Dominum elegisti hodiè, ut sit tibi Deus, & ambules in viis ejus, & custodias cæremónias illius, & mandata atque judicia, & obedias ejus imperio. Et Dominus elegit te hodiè, ut sis ei populus peculiaris, sicut locutus est tibi, & custodias omnia præcepta illius: & faciat te excelsiorem cunctis gentibus quas creavit, in laudem, & nomen, & gloriam suam: ut sis populus sanctus Domini Dei tui, sicut locutus est.

PROPHETIA SECUNDA.

Lectio libri Deuteron.

Deut.
11.

IN diēbus illis: Dixit Moyses filiis Israël: Si custodieritis mandata, quæ ego præcipio vobis, & feceritis ea, ut diligatis Dōminum Deum vestrum, & ambulētis in omnibus viis ejus, adhærentes ei, disperdet Dōminus omnes gentes istas ante faciē vestram, & possidēbitis eas, quæ majores & fortiōres vobis sunt. Omnis locus, quem calcaverit pes vester, vester erit. A deserto & à Líbano, à flumine magno Euphrāte usque ad mare Occidentāle erunt tēmini vestri. Nullus stabit contra vos: terrōrem vestrum & formīdinem dabit Dōminus Deus vester super omnem terram, quam calcaturī estis, sicut lo-

cūsus est vobis Dōminus Deus vester.

PROPHETIA TERTIA.

Lectio libri Machabæor.

Mach.
1. f.

IN diēbus illis: Oratīōnem faciēbant omnes sacerdotes, dum consummarētur sacrificium, Jónatha inchoāte, ceteris autem respondētibus. Et Nehemiæ erat oratio hunc habens modum: Dōmine Deus omnium creator, terribilis & fortis, justus & misericors, qui solus es bonus Rex, solus præstans, solus justus, & omnipotens, & æternus, qui liberas Israël de omni malo, qui fecisti patres electos, & sanctificasti eos: accipe sacrificium pro universo populo tuo Israël, & custodi partem tuam, & sanctifica: ut sciant Gentes,

quia

quia tu es Deus noster.

PROPHETIA QUARTA.

Lectio libri Sapiētiæ.

Ecc.
36.

Miserere nostri Deus omnium, & respice nos, & ostēde nobis lucem miseratiōnum tuarum: & immitte timōrem tuum super Gentes, quæ non exquisierunt te, ut cognoscant quia non est Deus nisi tu, & enarrent magnalia tua. Alleva manum tuam super Gentes aliēnas, ut videant potētiā tuam. Sicut enim in conspectu eorum sanctificatus es in nobis, sic in conspectu nostro magnificaberis in eis, ut cognoscant te, sicut & nos cognovimus quoniam non est Deus præter te Dōmine. Innova signa, & immuta mirabilia. Glorifica manum & br-

chium dextrum. Excita furōrem, & effunde iram. Tolle adversarium, & afflige inimicum. Festina tempus, & memēto finis, ut enarrent mirabilia tua, Dōmine Deus noster.

PROPHETIA QUINTA.

Lectio Daniēlis Prophætæ.

Dan.
3. c.

IN diēbus illis: Angelus Dōmini descendit cum Azaria, & sociis ejus in fornācem: & excussit flammam ignis de fornāce: & fecit medium fornācis quasi ventum roris flantem. Flamma autem effundebatur super fornācem cubitis quadraginta novem: & erupit, & incendit quos reperit juxta fornācem de Chaldæis ministros regis, qui eam incendebant. Et non tē-

ti-

tigit eos omninò ignis, neque contristavit, nec quidquam molestiæ intulit. Tunc hi tres quasi ex uno ore laudabant, & glorificabant, & benedicebant Deum in fornace, dicentes.

EPÍSTOLA.

Lectio Epistolæ B. Pauli Apóstoli ad Thessalonicenses.

*1. Th.
5.*

FRatres, Rogamus vos, corripite inquietos, consolamini pusillánimes, suscipite infirmos, patientes estote ad omnes. Videte ne quis malum pro malo alicui reddat, sed semper quod bonum est sectamini in invicem & in omnes. Sempèr gaudete. Sine intermissione orate. In omnibus grátias ágite: hæc est enim voluntas Dei in Christo Jesu in

omnibus vobis. Spíritum nolite extinguere. Prophetías nolite spèrnere. Omnia autem probate: quod bonum est tenete. Ab omni specie mala abstinete vos. Ipse autem Deus pacis sanctificet vos per omnia: ut integer spíritus vester, & ánima, & corpus sine querela in adventu Domini nostri Jesu Christi servetur.

**DOMINICA II.
in Quadragesima.**

Lectio Epistolæ B. Pauli Apóstoli ad Thessalonicenses.

FRatres, Rogamus vos & obsecramus in Domino Jesu, ut quemadmodum accepistis à nobis, quomodò oporteat vos ambulare, & placere Deo, sic & ambulatis, ut abun-

dê-

dêtis magis. Scitis enim quæ præcepta dederim vobis per Dominum Jesum. Hæc est enim voluntas Dei, sanctificatio vestra: ut abstinêatis vos à fornicatione, ut sciat unusquisque vestrum vas suum possidere in sanctificatione, & honore; non in passione desiderii, sicut & Gentes, quæ ignorant Deum: & ne quis supergrediatur, neque circumveniat in negotio fratrem suum: quoniam vindex est Dominus de his omnibus, sicut prædiximus vobis, & testificati sumus. Non enim vocavit nos Deus in immunditiam, sed in sanctificationem: in Christo Jesu Domino nostro.

FERIA SECUNDA.

Lectio Daniëlis Prophetæ.

IN dièbus illis: Oravit Daniël ad Dominum, dicens: Domine Deus noster, qui eduxisti populum tuum de terra Ægypti in manu forti, & fecisti tibi nomen secundum diem hanc: peccavimus, iniquitatem fecimus, Domine, in omnem justitiam tuam: avertatur obsecro ira tua, & furor tuus à civitate tua Jerúsalem, & à monte sancto tuo. Propter peccata enim nostra, & iniquitates patrum nostrorum, Jerúsalem & populus tuus in opprobrium sunt omnibus per circuitum nostrum. Nunc ergo exaudi Deus noster orationem servi tui, & preces ejus: & ostende faciem tuam super sanctuá-

*Dan.
9.*

F rium